

Ispod natpisa iz prethodne alineje nalazi se ime, prezime i jedinstveni matični broj vijećnika.

Član 6.

Na zadnjoj strani vijećničke legitimacije ispisuje se tekst sljedeće sadržine:

"Nosilac ove legitimacije je vijećnik Općinskog vijeća Trnovo.

Na zahtjev općinskog vijećnika, općinski načelnik, odnosno službe za upravu, dužne su da ga prime, stave mu na uvid potrebnu dokumentaciju i u okviru svog djelokruga, pruže mu stručnu pomoć i daju objašnjenje i obezbijede sve uslove za vršenje njegove funkcije.

Općinski vijećnik ne može biti krivično gonjen niti odgovoran u građanskom postupku za bilo koju radnju učinjenu u vršenju svoje funkcije."

Član 7.

O izdavanju legitimacije vodi se knjiga evidencije.

Evidencija iz stava 1. ovog člana sadrži:

- redni broj;
- ime i prezime i matični broj vijećnika kojem se izdaje legitimacija;
- datum izdavanja, vraćanje legitimacije i potpis vijećnika koji prima i vraća legitimaciju.

Član 8.

U slučaju gubitka legitimacije vijećnik je dužan obavijestiti Općinsko vijeće.

Nova legitimacija izdat će se nakon što se izgubljena legitimacija proglasi nevažećom u "Službenim novinama Kantona Sarajevo".

Član 9.

Legitimacija važi od dana izdavanja do prestanka mandata vijećnika.

Nakon prestanka mandata općinskog vijećnika, vijećnik je dužan vratiti legitimaciju Općinskom vijeću.

Član 10.

O izdavanju i evidenciji izdatih legitimacija stara se sekretar Općinskog vijeća.

Član 11.

Rok za izdavanje legitimacije vijećnicima je 15 dana od dana stupanja na snagu ove odluke.

Član 12.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-05-341/02
29. marta 2002. godine
Trnovo

Predsjedavajući
Općinskog vijeća Trnovo
Ismet Imamović, s. r.

OPĆINA VOGOŠĆA

Općinsko vijeće

Na osnovu čl. 49. i 56. Zakona o eksproprijaciji ("Službeni list SRBiH", br. 12/87 i 38/89 i "Službeni list R BiH", broj 15/94) i člana 67. Statuta Općine Vogošća ("Službene novine Kantona Sarajevo" - prečišćeni tekst, br. 22/01 i 35/01), Općinsko vijeće Vogošća, na sjednici održanoj 3. aprila 2002. godine, donijelo je

ODLUKU

O VISINI NAKNADE ZA IZUZETO GRAĐEVINSKO ZEMLJIŠTE U 2002. GODINI

Član 1.

Visina naknade za izuzeto građevinsko zemljište u 2002. godini na području općine Vogošća za 1 m² zemljišta iznosi:

- | | |
|------------------------|-----------|
| - u II stambenoj zoni | 32,97 KM, |
| - u III stambenoj zoni | 29,31 KM, |
| - u IV stambenoj zoni | 25,64 KM, |
| - u V stambenoj zoni | 21,98 KM, |
| - u VI stambenoj zoni | 21,32 KM, |

što se kreće u rasponu od 1% - 2% od prosječne ugovorne cijene 1 m² korisne stambene površine u državnoj izgradnji u posljednjem tromjesečju 2001. godine na području Kantona Sarajevo.

Za građevinsko zemljište koje se ne može obrađivati i sa kojeg raniji vlasnik nije mogao ostvariti značajne prihode (kamenjar, šikara, šibljak, močvara i sl.), naknada utvrđena po prethodnom stavu umanjuje se za 60% - 80% u zavisnosti od visine naknade i imovinskih prilika ranijeg vlasnika.

Član 2.

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 01-02-901/02
3. aprila 2002. godine
Vogošća

Predsjedavajući
Općinskog vijeća Vogošća
Atif Džafić, s. r.

Na osnovu člana 54. stav 2. Zakona o prostornom uređenju Kantona Sarajevo ("Službene novine Kantona Sarajevo", br. 13/99, 19/99 i 24/01) i čl. 22. i 67. Statuta Općine Vogošća ("Službene novine Kantona Sarajevo", broj 22/01 - prečišćen tekst i 35/01), Općinsko vijeće Vogošća, na sjednici održanoj 3. aprila 2002. godine, donijelo je

ODLUKU

O USVAJANJU REGULACIONOG PLANA "ROSULJE II"

Član 1.

Usvaja se Regulacioni plan "ROSULJE II" (u daljem tekstu: Plan).

Član 2.

Plan se sastoji od tekstualnog i grafičkog dijela.

Tekstualni dio sadrži:

- Projekciju izgradnje i uređenja prostorne cjeline na mjerama i aktivnostima za provođenje Plana;
- Odluku o provođenju Plana.

Grafički dio sadrži:

- Urbanizam prezentiran na odgovarajućem broju tematskih karata;

- Idejna rješenja saobraćaja, komunalne i energetske infrastrukture;
- Idejno rješenje pejzažnog oblikovanja.

Član 3.

Po jedan primjerak ovjerenog elaborata nalazi se na stalnom javnom uvidu i čuva se u Službi dokumentacije Općine Vogošća i Zavodu za planiranje razvoja Kantona Sarajevo.

Član 4.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-902/02
3. aprila 2002. godine
Vogošća

Predsjedavajući
Općinskog vijeća Vogošća
Atif Džafić, s. r.

Na osnovu člana 37. st. 2. i 26. Zakona o prostornom uređenju ("Službene novine Kantona Sarajevo", br. 13/99, 19/99 i 24/01) i čl. 22. i 67. Statuta Općine Vogošća ("Službene novine Kantona Sarajevo", broj 22/01 - prečišćen tekst i 35/01), Općinsko vijeće Vogošća, na sjednici održanoj 3. aprila 2002. godine, donijelo je

ODLUKU

O PROVOĐENJU REGULACIONOG PLANA "ROSULJE II"

Član 1.

Ovom odlukom utvrđuju se uvjeti korišćenja, izgradnje, uređenja i zaštite prostora i načina provođenja Regulacionog plana "ROSULJE II" (u daljem tekstu: Plana), a naročito granice prostorne cjeline i granice namjene, urbanističko-tehnički uvjeti za izgradnju građevina, uvjeti za privremeno korišćenje javnih površina, uređenje građevinskog zemljišta, korišćenje zemljišta na zaštićenim infrastrukturnim pojasevima i zaštićenim područjima, uređenje zelenih i slobodnih površina, uređenje fasada, postavljanje ograda, odnosi prema postojećim objektima i uvjetima pod kojima se pojedine djelatnosti mogu obavljati u planiranim poslovnim i proizvodnim prostorima.

Član 2.

Plan obuhvata područje od 20,3 ha, a čija granica počinje sa tromede parcela k.č. 1471/12, 1473 i 1463/12 K.O. Vogošća i polazi u pravcu istoka idući južnim međama parcela k.č. 1471/12, 1471/13, 1471/14, 1471/15, 1471/16 i 1471/17 dio (ne obuhvata ih) i dolazi do tačke broj 1 koja se nalazi na međi između parcela k.č. 1471/7 i 1473 udaljenoj od tromede parcela k.č. 1471/16, 1471/17 i 1473 6,5 m, lomi se idući u pravcu jugoistoka sijekući u pravoj liniji parcele k.č. 1473, 1475/1 i 1478 i dolazi do tromede parcela k.č. 1526/2, 1478 i 1525/2, produžava u istom pravcu idući međom između parcela k.č. 1526/2 i 1525/2 u dužini od 76,5 m, skreće na jugozapad sijekući u pravoj liniji parcelu k.č. 1525/2 i dolazi do tromede parcela k.č. 1525/2, 1523/3 i 1523/2, nastavlja na jugozapad idući južnim međama parcela k.č. 1523/2, 1524/6, 1524/4 i 1524/3 (obuhvata ih), nastavlja u pravcu juga idući istočnom međom parcele k.č. 1512/1 u dužini od 47 m i dolazi do tromede parcela k.č. 1514, 1517 i 1512/1, lomi se na sjeverozapad idući u pravoj liniji preko parcela k.č. 1512/1 i 1512/4 te dolazi do tačke broj 2 koja se nalazi na međi između parcela k.č. 1512/2 i 1512/4 udaljenoj od jugoistočnog ishodišta lista R = 1:1000 broj 14 po y = 374,5 m a po x = 105 m, nastavlja na sjeveroistok idući u pravoj liniji do tačke broj 3 koja se nalazi na parceli k.č. 1484/5 udaljenoj od jugoistočnog ishodišta lista R = 1:1000 broj 14 po y = 371 m a po x = 116 m, nastavlja na sjeverozapad idući u pravoj liniji preko parcela k.č. 1484/5 i 1483/2 te dolazi do tromede parcela k.č. 1483/1, 1483/2 i 2387 (put), nastavlja na sjeverozapad idući ulicom Rosulje k.č. 2387

(obuhvata je) i dolazi do tromede parcela k.č. 1494, 1493 i 2387 (put), produžava na zapad idući u pravoj liniji preko parcela k.č. 1493 i 1492 te dolazi do tačke broj 4 koja se nalazi na međi između parcela k.č. 1495 i 1496 udaljenoj od četveromeđe parcela k.č. 1494, 1504, 1495 i 1496 32 m, ide na zapad trasom projektovane saobraćajnice koju obuhvata a koja ide preko parcela k.č. 1495, 1496, 1413, 1416 i 1424/19 pa dolazi do tačke broj 5 koja se nalazi na zapadnoj međi parcele k.č. 1424/19 udaljenoj od jugoistočnog ishodišta lista R = 1:1000 broj 13 po y = 26,5 m a po x = 155 m, produžava na sjeverozapad idući u pravoj liniji do tačke broj 6 koja se nalazi na južnoj međi parcele k.č. 1424/26, udaljenoj od njenog jugoistočnog ruba 18 m, ide na zapad južnim međama parcela k.č. 1424/26 i 1424/9 (obuhvata ih), skreće na sjever idući zapadnim međama parcela k.č. 1424/9, 1424/8, 1429, 1430 i 1434 (obuhvata ih) te izlazi na put k.č. 2387 (ulica Rosulje) kojom produžava u pravcu sjevera (obuhvata je) i dolazi do njenog raskršća sa putem k.č. 2398 kojim produžava na istok (obuhvata ga) i dolazi do tromede parcela k.č. 654/8, 655/6 i 2398 (put), skreće u pravcu juga idući zapadnim međama parcela k.č. 655/6, 654/7, 1467/10, 1467/3, 1471/10, 1471/9, 1471/11 i 1471/12 (ne obuhvata ih) te dolazi do tromede odnosno mjesta odakle je opis granice i počeo.

Sve naprijed navedene parcele nalaze se u K.O. Vogošća.

Član 3.

U sklopu obuhvata ovog Plana definisana je jedna namjena - zona individualnog stanovanja "Rosulje II".

Individualno stanovanje je na cijelom području razmatranog obuhvata ovog Plana tako da je opis granica ove namjene kao i opis granica obuhvata ovog Plana naveden u predhodnom članu.

Član 4.

Urbanističko-tehnički uvjeti za izgradnju građevina i uređenje građevinskih parcela:

- Građevinske parcele utvrđene su Idejnim rješenjem plana parcelacije i regulacionim linijama,
- Građevinska linija utvrđuje graničnu liniju objekta u odnosu na javnu površinu.
- Unutar građevinskih linija investitor je slobodan da definiše tlocrt građevina u ovisnosti od potreba i želja.
- Nivelacione kote prizemlja objekata u odnosu na saobraćajnicu - ulicu utvrdit će se na osnovu nivelacionih kota saobraćajnica datih u Planu i moraju biti od istih uvećane za min. 15 cm.
- Nivelete pješačkih saobraćajnica kao i prilazi i ulazi u građevine moraju biti isprojektovane i izvedene prema Uredbi o urbanističko-tehničkim uvjetima, prostornim standardima i normativima za otklanjanje i sprječavanje stvaranja arhitektonsko-urbanističkih barijera za kretanje invalidnih lica koja koriste tehnička i ortopedska pomagala ("Službene novine Kantona Sarajevo", broj 5/00).
- Priključenje na javni put i mrežu instalacija treba u svakom konkretnom slučaju posebno projektovati u skladu sa Planom.
- Koeficijent izgrađenosti utvrđen je i prezentiran u tekstualnom obrazloženju Plana i iznosi 0,25.
- Spratnost i odstojanje građevina utvrđeni su Planom i ne mogu se mijenjati.
- Sve građevine, predviđene ovim planom, u arhitektonskom smislu oblikovati i graditi od savremenih materijala.
- Za sve građevine koje će se graditi na osnovu ovog plana potrebno je prethodno pribaviti projektnu dokumentaciju. Projektna dokumentacija mora biti izrađena prema uvjetima predviđenim za 8° MCS skale.

- Prije izdavanja građevne dozvole potrebno je pribaviti geološki nalaz i uvjete temeljenja od odgovarajuće stručne institucije.

Član 5.

Izgradnja se vrši na uređenom građevinskom zemljištu.

Član 6.

Uvjeti izgradnje građevina za sklanjanje stanovništva i materijalnih dobara, kao i za druge potrebe odbrane i civilne zaštite moraju biti obezbijeđeni u skladu sa članom 179. Zakona o odbrani Federacije Bosne i Hercegovine ("Službene novine Federacije BiH", broj 15/96).

Član 7.

Postojeće zgrade koje se zadržavaju ovim planom, mogu se rekonstruisati, dograditi ili nadzidati kako za potrebe stanovanja tako i za potrebe dobivanja poslovnog prostora u kome se mogu obavljati samo djelatnosti koje ne ugrožavaju čovjekovu okolinu i standard života u susjednim zgradama.

Ovi zahvati mogu se odobriti ako koeficijent izgrađenosti parcele ne prelazi 0,6 (slovima: nula šest) i ako ne pogoršavaju uvjete stanovanja u susjednim zgradama, i da se zadovolji odstojanje od susjednih objekata, tj. minimalno odstojanje objekta od objekta je 6,0 m.

Nadzidivanje postojećih zgrada može se dozvoliti pod slijedećim uvjetima:

- da zgrada, na kojoj se vrši nadzidivanje, zadovoljava konstruktivno seizmičke uvjete,
- da spratnost bude maksimalna P+1+M.

Član 8.

Za zgrade koje su dotrajale pod uvjetom iz prethodnog člana, može se vršiti i zamjena stambenog fonda.

Član 9.

Uvjeti uređenja zelenih i slobodnih površina obuhvaćenih ovim planom utvrđuju se kao slijedeće kategorije:

- zelenilo ograničenog korištenja - zelenilo voćnjaka i bašči, na površinama - na terenu koji je registrovan kao uslovnostabilan - potencijalno nestabilan teren, gdje se ne planira bilo kakva nova gradnja;
- zelenilo u okviru okućnica.

Izgradnja i uređenje zelenih površina vrši se na osnovu odgovarajuće tehničke dokumentacije izgrađene na osnovu idejnog rješenja hortikulture, koji je sastavni dio Plana.

Član 10.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-903/02

3. aprila 2002. godine

Vogošća

Predsjedavajući

Općinskog vijeća Vogošća

Atif Džafo, s. r.

Na osnovu člana 29. Zakona o lokalnoj samoupravi - prečišćen tekst ("Službene novine Kantona Sarajevo", broj 22/00), člana 2.12. stav 5. Izbornog zakona BiH ("Službeni glasnik BiH", broj 23/01) i člana 67. Statuta Općine Vogošća - prečišćen tekst ("Službene novine Kantona Sarajevo", br. 22/01 i 35/01), Općinsko vijeće Vogošća, na sjednici održanoj dana 3. aprila 2002. godine, donijelo je

RJEŠENJE

O IMENOVANJU OPĆINSKE IZBORNE KOMISIJE VOGOŠĆA

I

U Općinsku izbornu komisiju Vogošća imenuju se:

1. MENSUD OMERVIĆ - za predsjednika,
2. FERID OTAJAGIĆ - za člana,
3. GORDANA BURINA - za člana.

II

Naknade i ostali troškovi za rad komisije odredit će se posebnim aktom.

III

Ovim rješenjem zamjenjuje se rješenje o imenovanju Općinske izborne komisije Vogošća broj 01-05-3121/01 od 27. 12. 2001. godine.

IV

Ovo rješenje stupa na snagu danom donošenja, a objavit će se u "Službenim novinama Kantona Sarajevo".

Broj 01-05-904/02
3. aprila 2002. godine
Vogošća

Predsjedavajući
Općinskog vijeća Vogošća
Atif Džafo, s. r.

Sekretar Općinskog vijeća

Na osnovu člana 21. Poslovnika o radu Općinskog vijeća Vogošća ("Službene novine Kantona Sarajevo", broj 13/98) i člana 85. Odluke o izmjenama i dopunama Poslovnika o radu Općinskog vijeća Vogošća ("Službene novine Kantona Sarajevo", broj 29/01), daje se slijedeća

ISPRAVKA

STATUTA OPĆINE VOGOŠĆA

U članu 132. stav 3. Statuta Općine Vogošća - prečišćen tekst ("Službene novine Kantona Sarajevo", broj 22/01) ispred riječi "prihvati" ispuštena je riječ "ne".

Broj 01-05-922/02
10. aprila 2002. godine
Vogošća

Sekretar
Općinskog vijeća Vogošća
Mensud Omerović, s. r.

FEDERALNI ZAVOD ZA STATISTIKU

SAOPĆENJE

O PROSJEČNOJ NETO PLAĆI ZAPOSLENIH U KANTONU SARAJEVO ZA FEBRUAR/VELJAČA 2002. GODINE

1. Prosječna neto plaća po zaposlenom ostvarena u Kantonu Sarajevo za februar/veljača 2002. godine iznosi 597,14 KM.

Broj 17
10. aprila 2002. godine
Sarajevo

Direktor
Derviš Đurđević, s. r.

SLUŽBENE OBJAVE

OGLASI - KONKURSI

Bosna i Hercegovina
Federacija Bosne i Hercegovine
Kanton Sarajevo
Kantonalni sud u Sarajevu

Na osnovu člana 16. stav 3. Zakona o sudijskoj i tužilačkoj funkciji u Federaciji Bosne i Hercegovine ("Službene novine Federacije BiH", br. 20/01 i 37/01), Kantonalni sud u Sarajevu, oglašava: